

中國科學院圖書館整理

續修四庫全書總目提要（稿本）

齊魯書社

菩薩戒本持犯要記一卷

唐新羅釋元曉撰

所著述名稱可考者凡五十部九十四卷現存金剛三昧經

論等十六部二十二卷今均著錄此記初有略序後開三門

一輕重門二淺深門三明究竟持犯門初門有二先總判輕

重後別顯差別依違磨戒本釋違犯中是染非染輕中上品

之義因就四重戒中初自讚毀他戒廣示其相第二明持犯

淺深相中亦就初戒以顯約四句而判福罪第三明究竟持

犯者謂戒任眾緣而無自相罪相人相亦然永忘三輪不墮

二邊方成具足戒度因釋梵網戒本戒光從口出有緣非無

心乃至菩薩之根本一段文義結頌七言偈二章大正新修

大藏經所載此記乃依日本宗敎大學藏承應三年刊本編

入卷末有寬元二年寬永十六年題記即宋淳祐四年及明

崇禎十二年刻時當清順治十一年天津刻經處據以重刻

題記未錄考高麗義天錄云十重戒序附而今本無之豈佚

之耶抑即指文本釋梵網戒光從口出一節文耶

大乘六情懺悔一卷

唐新羅釋元曉撰

所著述名稱可考者凡五十部九十四卷現存金剛三昧經論

等十六部二十二卷今均著錄此文乃依日本京都寶菩提

院鎌倉時代寫收編入藏文繞千言意極精到初普為六道

無違眾生歸命十方無量諸佛約華嚴編攝義總讚佛寶次

約無生懺悔根本無明謂蓮華藏界盧舍那佛放無邊先轉

大法輪菩薩大衆徧滿虛空而今我等不見不聞無明顛倒

妄作外塵執我我所造種種業當於佛前發菩提心誠心懺

悔深生慚愧作是悔時思惟實相能悔所悔皆不可得當於

何處得有悔法後約如夢懺悔六情放逸謂妄想顛倒計我

我所內立六情依而生識外作六塵執為實有不知皆是自

心所作如幻如夢夫普賢觀經云懺悔六情根是故六情即

眼等六根從所懺後未罪業立稱故名大乘六情懺悔實即

修華嚴教者依普賢行願懺悔業障之要文也

大方廣佛華嚴經疏一卷 大正新修 藏經本 唐新羅釋元曉撰

晚所著述名稱可考者凡五十部九十四卷現存金剛三昧經論等十六部二十二卷今鈎著錄於中四部殘闕不完此疏其一也原疏凡十卷見於日本圓起之華嚴宗章疏及東域傳燈目錄高麗義天錄唐釋法藏華嚴探玄記卷第一申明立教差別略叙十家第七云新羅元曉法師造此經疏亦立四教一三乘別教二三乘通教三一乘分教四一乘滿教是此疏初即西傳入唐義天錄注云本是八卷今開第五卷并宗要均作十卷是全疏宋時猶存海東義天猶及見之也

續修四庫全書總目

卷部

今所存但卷第三之中段乃日本寬文十年寫本即清康熙九年釋晉譯華嚴經光明覺品竟初釋品名以顯來意次科文釋義以品初所列十方佛名菩薩名配釋品中十重說偈諸佛蓋用智儼華嚴搜玄記意而科文不同耳華嚴宗章疏中尚有元曉述華嚴綱目一卷今亦不傳云

梵網經菩薩戒本私記一卷 續藏經本 唐新羅釋元曉撰

所著述名稱可考者凡五十部九十四卷現存金剛三昧經論等十六部二十二卷今均著錄考高麗義天錄但有梵網經疏二卷略疏一卷為元曉述而無私記之名東域傳燈目錄有梵網經疏二卷宗要一卷注云元曉亦無私記之名然則私記即是梵網經疏之別稱今考其文亦是釋姚秦鳩摩羅什譯梵網經之下卷原本二卷今但存卷上而已釋至十重戒竟初開兩門一釋題名字二入文解釋科文大要從我今盧舍那已下乃至第一清淨者為發起序從佛告諸佛子已下至現在諸菩薩今學為正說分從佛子諦聽已下訖經末為勤持分釋十重戒中每戒末皆約四句罪福以明持犯實此疏精要處也

續修四庫全書總目

卷部

菩薩瓔珞本業經疏一卷 續藏經本

唐新羅釋元曉撰晚所撰述

撰述名稱可考者凡五十部九十四卷現存金剛三昧經論等十六部二十二卷今均著錄於中四部殘闕此其一也此疏釋姚秦竺佛念譯菩薩瓔珞本業經乃大乘律部所攝為佛重遊道場樹下放四十二光集一切眾說賢聖名字觀行義相即大乘六位行德四十二賢聖故亦與華嚴同部智者大師依此判別圓位次經凡八品二卷疏本亦然東域傳燈目錄作二卷高麗義天錄作三卷今乃二卷本而供其上卷疏自釋賢聖觀品第三第九地入法際智觀文始以訖經末今考其科文大略初集眾品為序分中間六品為正宗分末集眾品為流通分正宗之中有二第一如來為說有五品第二大眾受學有一品前中又二初廣開門有四品後略攝門有一品廣開門內賢聖名字品賢聖學觀品釋義品正明六入佛母一品明六入境略攝門即因果一品也疏中多引仁王般若經意兼引華嚴喻伽為證夫晚公學說所宗於華嚴經外以金剛三昧經瓔珞本業經大乘起信論為主四者皆有疏釋而華嚴疏及此疏皆殘闕惜哉

續修四庫全書總目

卷部

中邊分別論疏一卷 續藏經本

唐新羅釋元曉撰晚所撰述

名稱可考者凡五十部九十四卷現存金剛三昧經論等十六部二十二卷今均著錄於中四部殘闕此其一也此疏釋陳真諦譯中邊分別論乃瑜伽師十支論中之第六難解彰中論也論本七品二卷唐玄奘三藏重譯名辨中邊論唐人疏記釋新譯者多凡六七家今唯存窺基之作釋舊譯者少除真諦自撰疏三卷外唯見此疏真諦之疏今不傳此疏原本四卷見東域傳燈目錄及高麗義天錄今唯存第三一卷耳釋對治修住品第四修住品第五得果品第六之文釋對治品初先以六門明三十七菩提分義然後消文一列名二釋義三出體性四顯明位地五明次第六辨諸門謂七科皆有所緣自體助伴修習修果五門蓋出於雜集論又引俱舍智度喻伽之說以示大小性相同異之辨文極詳明釋得果品先以三門明五果義然後消文一列名字二明體相三對因分別引喻伽論文以對辨疏中廣述同異而無所取捨不斥不執隨彼所宗而解釋之此晚公作疏之風度也

續修四庫全書總目

卷部

遊心安樂道一卷

金剛經疏

唐

新羅釋元曉撰晚所著述

知名者凡五十部九十四卷現存金剛三昧經論等十六部
二十二卷今均著錄安樂者極樂之異名此書名遊心安樂
道者以卷端云遊心安樂略開七門初述教起宗致二定彼
土所在三明疑惑患難四顯往生因緣五出往生品數六論
往生難易七作疑復除疑文中牒無量壽經處恒云此無量
壽經或云此經或云下文蓋即是無量壽經玄義晚師別有
無量壽經宗要一卷較此文約少三分之一此中前四門之
文大半皆錄自宗要初述教起宗致前半即宗要中述教大

續修四庫全書總目

卷部

意之文後半明如來勸意為攝中下根緣極樂有四緣不退
義第二定彼土所在明四種淨土差降即宗要第二簡宗致
中明果德之淨不淨門之文及第三約人分別中約三聚眾
生分別文之一節第三明疑惑患難即宗要第三約人分別
中就四疑眾生分別之文後明生彼胎化優劣為宗要所無
第四顯往生因緣即宗要第二簡宗致中明因行文又引大
寶積經發勝志樂會十心及往生論五行行為宗要第五往生
因緣出往生品數初引觀經九品往生文次引二釋一謂同
是十信菩薩約進退善惡昇降而分九品一謂發心與否大

是收

續修四庫全書總目

卷部

小乘行淺深生死罪輕重而分九品又依起信論別判九品
分齊次引無量壽經說三品文謂菩薩二乘凡夫往生自有
上中下以凡夫是正生聖人是兼生諱大乘人二乘愚法學
人不生菩薩不願生不生一乘無學不問愚不愚皆得往生
第六往生難易先明兜率與極樂之優劣略明十四異後述
兜率極樂往生難易有七種差別總明難易一任因緣第七
解妨除難初會攝論別時義次會往生論二乘女人根缺不
生義次明觀經十念往生義及彌勒問經非凡夫念不雜結
便念義後述不空罽索神變真言經灌頂光明真言以勸持
誦夫書中所引大寶積經及不空罽索經皆菩提流志所譯
一成於先天年中一成於景龍三年晚公生於新羅真平王
九年即隋義寧元年其時已九十餘年迨經成東傳當過百
歲晚公應不及見之疑太賢之輩抄集晚公無量壽宗要及
迦才淨土論等而成又元時日本有僧名元曉卒於順帝至
正二十二年豈彼所集因致誤耶

金剛般若波羅密多經論纂釋三卷

結藏經本

唐釋窺基撰

基所撰述存於今者說無垢稱經疏等經論疏記二十七部

二百八十一卷今均著錄金剛般若經論西土自有多家東

土所傳實有四種初無著菩薩造隋達磨笈多譯有三卷立

七句義分別此經二無著菩薩頌世親菩薩釋論元魏菩提

流支譯有三卷立二十七疑三金剛仙菩薩造元魏菩提流

支譯有十卷立十二位窺基斥為疑偽四功德施菩薩摩訶

婆訶羅譯有二卷今此章釋即是合解無著世親二家之論

每章皆先解隋譯無著論後據魏譯親論比量考釋至於經

文異同則奉之羅什魏之流支陳之真諦隋之笈多唐之玄

奘五家譯本無不對證是故此釋又名會釋五經二論也科

文有三分初敬所師叙標作意即論前頌次科宗義正釋經

文即論本文後歎愚深法成隱滅即論後偈正文中分二初

明七句中所述之宏綱二重解經文釋玄宗之巨委明七句

中釋第一句種不斷廣解餘六句義解正宗中分種姓不斷

發起行相行所住實三科行所住實中又立信行地淨心地

如來地三段論末歎愚深法成隱滅偈未釋文中所牒指獎

公諸譯則有大般若瑜伽對法莊嚴經中邊諸經論於基公

同

撰述則有唯識疏樞要義林無垢稱疏等卷下釋佛地文引

日照三藏所譯契證大來功德經日照於儀鳳初至於時復

禮圓測靈辯等皆在彼譯場綴文筆受契證大來經譯於永

隆元年而基公卒於永瀛元年冬然則此釋其基公最後之

作也習此經者於嘉祥紀國至相三家之外所必須受持

研通者也

同

續修四庫全書

卷部

百法明門論解一卷 唐經疏

唐釋窺基撰元晉泰增修

基所撰述存於今者說無垢稱經疏等經論疏記二十七部二百八十一卷今均著錄法相宗法基公堪稱獨步其所著作古稱百部南宋以後中土盡今皆得求流續藏而唯此註中土舊存收入大藏流傳至今論為世觀菩薩作於法相宗十支論中為略陳名數論乃就瑜伽師地論本地分中六百六十差別法提綱挈領略錄百法以明唯識端的唐玄奘於貞觀二十二年冬譯玄奘筆受解中先釋題目及論主然後解文卷端無序王亦不以諸門分別釋色法文大致用雜集論義釋心所法全用成唯識論文間有增益亦是唯識述記之語雖可信為基公之作然宋高僧傳義忠傳云百法論疏最為要當移解二無我歸後是以掩慈恩之筆由此可知基解較忠疏為廣且二無我之釋在先考之今本實不然文句於諸疏中最高略釋二無我亦在卷末且釋尋思心所中云通照大師釋有正若是基公原作除樊師外不應有大師之稱而此解亦不載於唯識述記釋聲法中云華嚴鈔唯十一種唯識加鑒以成十二更俟參考若是基公原作何以不詳雜集等論而指華嚴鈔耶况唯識論中亦無辨聲法之文

同治

顯揚論中有響之說唯識為基公所筆受不應錯誤要之此解既為普泰重修名雖曰增恐所刪節甚多日本諸家目錄或云玄贊一卷或云述記二卷決非如今日本之單簡也

同治

大乘阿毘達磨雜集論述記十六卷

唐釋

窺基撰

基所撰述存於今者說無始稱經疏等經論疏記二十七部

二百八十一卷今均著錄法相宗典有六經十一論六經者

華嚴楞伽密嚴解深密阿毘達磨如來出現莊嚴也後二經

未來東土唐元測解深密經疏云阿毘達磨大乘經中說十

種殊勝初二是境次六行後二是果無著菩薩集阿毘達

磨經所有宗要括諸法門而造大乘阿毘達磨集論體義八

品系蘊處界獨宗法相多本舊義於十支論中為分別名數

論又名廣陳體義論西土釋者眾多覺師子最勝子二家為

續修四庫全書

卷部

最安慧菩薩為十大論師之一論釋雜揉故加雜稱此論既

直示正義不談別破所以述記亦略述外獨顯於內每一法

相多門簡別博貫羣宗淹通諸法簡明博大而無紛紜錯

之繁初以六門解釋一教起所因二論興所為三彰體性四

顯宗旨五釋題目六解本文但此記中土久佚東瀛傳本舊

作十卷前四卷半中標論文起止記文底一格後五卷半不

復標論文卷十末有日僧跋謂斯疏第五已降文句繁亂且

有非疏主手筆者又云是延應二年所寫即宗理宗嘉熙四

年是此疏古寫本乃就兩種傳本會合而成或者此記為基

公刪治未竣之稿所以前半部分段系疏尋章得義條理明
暢而後半部或篇終洋灑環列多義或句段枯落文辭缺畧
也近人有就續藏本分割割裂移徙前後會入論文而重刻
者既失寫本之舊觀更苦文句之錯亂甚無取也

續修四庫全書

卷部

辯中邊論述記六卷 支那內學院本

唐釋窺基撰基所撰述今

現存者說無垢攝經疏等經論疏記二十七部二百八十一卷今均著錄此論乃無著菩薩頌世親菩薩釋為十支論中之難僻彰中論東土凡有二譯初陳真諦譯中邊分別論二卷次為唐玄奘於龍朔元年譯即今所釋論是也時窺基筆受論凡一百一十二頌七品一相品二障品三真實品四修對治品五修分位品六得果品七無上乘品今此述記文甚簡要不廣敷揚除牒指論伽唯識攝論對法顯揚等論未嘗引證其他經論於釋十六空文雖引大般若經而大般若經

續修四庫全書

卷部

譯於顯慶五年正月成於龍朔三年此中所引當是大師口授則此記即是窺基於譯場面承玄旨之作故卷端云舊真諦已譯於梁朝文錯義違更譯茲日也西竺安慧復法二家異同各依此論立己宗義是故記中兼述二家一者如辨相中言安慧以為相分根境必是遍計所執皆體是無而復法以為相分根境亦是依他計所執法體非實有非第八相分體是無也二者安慧謂八識皆能起計所執復法謂五八識中無有執也三者安慧謂所取能取二分皆計所執復法謂依二分能取所取起二所執四者辨真實品中安慧謂二取

之體遍計所執此二所依識自證分是依他起於此自證起增減見復法謂二取之體依他性攝即於此上起增減見五者釋二取滅安慧謂二取是遍計所執二取所依識自體分是依他起識自體分斷得不生不生是滅假名依他起復法謂斷此二取所得不生不生是擇滅由依他起而得於滅假說為依他起六者辨無上乘品中安慧云無有實體無見相分以亂識體似所能取行相而生不是全無二取相貌由此八識皆能遍計所現山河等皆是所執而依他心無有二取復法謂依他八識有見相分依此之上所執二取實體是無

續修四庫全書

卷部

似於妄情二取顯現以似有故不名全無由依依他而能取故所執二取體是無也七者安慧云通七八識皆能現似二取相復法云唯第六七識餘識變似二取即依他性不能現似所執二取故八者安慧云其計所執由能現似亂識自體復法云由能現似亂識二分並似自妄情而顯現彼所取能取相情有故不可說無如空中花亂識現似妄情有故非謂全無其依他起然記中亦有別進新解者如釋二取滅安慧復法並云依他起而記解云意取所依識之自體圓成實性也至於文中處處指摘真諦舊譯之非是其文繁多難可枚

舉所最要者如釋相品虛妄自體舊論云本識生新譯云識生又空異名中舊論多法身一名無上乘品中舊論作十四二邊新譯作十五二邊等也

唯識二十論述記四卷金剛經唐釋窺基撰基所撰述

今現存者說無垢稱經疏等經論疏記二十七部二百八十一卷今均著錄唯識二十論者世親菩薩造於法相宗十支論中為推破邪執論東土有三譯初元魏菩提流支譯名唯識論二陳真諦譯亦名唯識論三唐玄奘於龍朔元年六月一日譯出八日而功畢基公筆受此論理豐文約西域註釋數十餘家根本即有世親弟子瞿波論師此釋東土未傳後有菽法菩薩所釋即唐義淨譯成唯識寶生論也基公於譯場隨翻受旨編為述記初序王竟以三門辨一顯教時機教

攝分齊二明論宗體造論所由三依論所明判文別釋判文中云總有二初正辨本宗破計釋難後結已所造嘆深推佛正辨之中大文有二初立論宗大乘三界唯識無境後釋外所微廣破異執立宗中有三四兩種科判不同破執中有七即是二十頌意第一有十四頌小乘外道四事難境無却微實境執二有一頌半釋小乘等以現量微境有返破境持執三有半頌釋小乘外道以夢例覺時應知境無失四有半頌釋外難二識成決定外境非無失五有半頌釋外難夢覺心無異造行果差失六有二頌釋外難無境殺等無返詰他宗

失七有一頌釋外難不照他心智識不成失總顯此論以正
顯唯識廣破外難為宗世間或執境有或執心無或執諸識
用別體同或執離心無別心所或執外境體一或執境多或
執極微有相為境或執獄卒是實有情或執獄卒是業生大
種或執獄卒是熏習所起記中廣顯如是種種異部邪執中
明唯識如理也

瑜伽師地論略纂三十四卷金陵刊 古作十六卷亦名

瑜伽師地論抄唐釋窺基撰基所撰述今現存者說無垢稱
經疏等經論疏記二十七部二百八十一卷今均著錄瑜伽
師地論者亦名十七地論彌勒菩薩說為法相宗之根本論
凡有五分謂本地分攝決擇分攝釋分攝異門分攝事分初
二分中各有十七地唐玄奘譯為一百卷於貞觀二十一年
創始至二十二年畢功論末有許敬宗序北涼曇無讖譯菩
薩地持經即此論本地分中乏菩薩陳真諦譯決定藏論即
此論之決擇分初又嘗譯十七地論五卷而報今復佚本基

公此纂釋本地分及攝決擇分之前十二地而止餘五地及
後三分未釋本地分中聲聞地內論第二十三三十一三十
二卷未有釋日本諸家目錄皆同作十六卷自是基公撰述
未完非緣散失也註前有七言偈七章次以六門料簡一叙
所為二彰所因三明宗緒四顯藏攝五解題目六釋本文文
中牒指基公注述有法華疏俱舍抄對法疏唯識疏樞要義
林章等是此註之作甚晚其面承樊師玄旨則稱法師云云
釋本地分菩薩地中間引清惠遠師地持經義記之說此外
更有景師備師雋師泰師等義惠景師有疏二十卷文備師

有疏十三卷神泰師有疏十卷今并不傳傳師未聞有所撰述此論詳場傳師嘗筆受備泰諸師皆證義也

續修四庫全書

卷

部

瑜伽師地論劫章頌一卷

續藏經本

唐釋窺基撰基所撰述

續修四庫全書

卷

部

今現存者說無垢稱經疏等經論疏記二十七部二百八十一卷今均著錄此章凡有七言三十六偈半共一百四十六句集瑜伽師地論中所明劫義以述三千大千世界須彌四洲劫之轉變約可分為二十一門初有四句標成住壞空次第二有十句約住劫論增減劫三有五句明賢劫過去四佛四有七句明三災五有八句明增劫及慈氏與未來九百九十四佛最後樓至佛六有十句明壞劫欲界次第捨七有十四句明壞劫火災八有四句明空劫九有六句明成劫初梵天獨建漸有欲界四空十有八句明空輪十一有十二句明水輪十二有七句明地輪十三有九句明天人下生因貪生過十四有五句明成男女情染乃有日月十五有九句明造十惡而生三途十六有四句明修善生三洲及欲天十七有五句總結成劫及示成壞空劫量十八有六句畧明有情壽量十九有三句明小中大三劫量二十有六句明壞劫三災二十一有四句明三僧祇劫成佛也

因明入正理論疏八卷

金茂刊
經疏本

此疏古作三卷續藏經

本作六卷唐釋窺基撰基所撰述今現存者說無垢稱經疏等經論疏記二十七部二百八十一卷今均著錄明者學也西竺學問有五科曰聲明醫方明工巧明因明內明於中國明論者所以破邪立正與聲明同創於世界肇成之初綱紀粗分而已爰至世親之際軌式稍備而幽致未判陳那菩薩重成規矩作因明正理門論傳之弟子商羯羅主總括量因以成此論玄奘法師西遊異域於北印度迦濕彌羅國從僧伽耶舍受一切有部及因明聲明又於中印度摩揭陀國從

續修四庫全書

卷部

戒賢論師重討幽微於貞觀二十一年秋先譯出此論明潘筆受證文且作後序紀證語正字證義監譯諸人名字並尚昉光等各出撰疏翌年基公始依奘師出家故後序中無基名又宋高僧傳基傳云西明寺測法師於唯識講塲賂於闍者潛聽論旨便於西明集僧稱講此論基漸居其後不勝悵快奘勉之曰測公雖造此疏未達因明遂為講陳那之論基大善三支縱橫破立述義命章前無與比是故此疏最為第一疏前序王既竟以四門分別一叙所因二釋題目三彰妨難四釋本文釋比重相建中述乾封中新羅順憬法師於奘

師之真唯識量作決定相違寄請釋答事則此疏成於奘師歿後然此疏宋元之際中土久佚東瀛傳流自能立不成已下諸本文句增減不同考諸慧沼著作之中因明入正理論義纂要乃釋此疏者亦至四相違而止另有續疏一卷始自能立不成迄於論末是基公之疏原缺後章而沼公續之唐世合行如灌頂之續智者維摩疏例東瀛所傳諸本皆就沼續刪治不同耳若以文字論則以宗藏遺珍中之趙城廣勝寺金藏因明論疏為最正確也

續修四庫全書

卷部

周叔

西方要決釋疑通規一卷金陵刊 畧稱西方要決唐釋

窺基撰基所撰述今現存者說無垢稱經疏等經論疏記二

十七部二百八十一卷今均著錄此書以勸歸淨土啟信教

行為宗旨唐時流傳東瀛中土久絕凡所會通十四疑端第

一會通金剛經色聲求佛行邪道疑第二會通佛藏經心外

見佛是魔眷疑第三會通維摩經娑婆有十事善法疑第四

會通彌勒問經念佛非凡愚結使疑第五會通最勝妙定經

無生道慧為尊勝疑第六會通涅槃經魔能化佛疑第七會

通上生經兜率近易疑第八會通無量壽經往生不退疑第

九會通彌陀經大善方生疑第十會通淨土論彌陀經女人

二乘生不生疑第十一會三階行者五種小疑第十二會通

攝大乘論別時義疑第十三會法華經歡心稱佛成道疑第

十四明念佛作業方軌即長時修恭敬修無間修無餘修也

於中前三啟信後一明行其三階行者乃隋末信行禪師

所立謂約時約處約人皆有上中下三階差別教人專修布

施不習經教雖屢經禁絕於初唐時仍極盛行玄宗而後始

衰日本仁和寺沙門濟暹考正此書成五種疑耦一判往生

難易達上生經疏二本覺圓明乖始覺菩提之義三同歸一

周叔

實語不類此二見通第二疑中三乘真實之旨四兜率退

否與自作疏差異五定來迎有無背上生經文此二見第七

會疑中以此等文義違自宗故非是窺基所作而基辨作西

方要決真偽造疑及忠良撰往生要集記卷三皆云定是慈

恩所作日本諸家目錄同云慈恩造夫古德隨機勸信非有

成見因類立言咸當宗旨豈可謂為違自宗耶

續修四庫全書

續修四庫全書

成唯識論掌中樞要八卷金陵刻經處本 唐釋窺基撰基所撰

述存於今者說無垢稱經疏等經論疏記二十七部二百八

十一卷今均著錄基公親承玄奘大師之命翻譯成唯識論

會萃西土十家之釋而成一部并以聞於師者著為述記及

樞要別抄既同是譯場纂次所開故三書互相牒引無所論

於後先此書初述釋此論有多種不同第一釋有五門十義

分別第二釋有三門分別門各四義第三釋以三門總勤各

開三義第四釋以門辨釋四種之中唯述第四前三種但列

綱維而已若併述記卷第一之五門解釋是有五種不同也

續修四庫全書總目

卷部

其次釋五種種姓義歸敬佛義斷障得果義科本頌文多種

不同義皆頗詳盡自餘但於述記中未盡之理略加詮解而

已卷一及卷二之前半釋論卷一卷二後半釋論卷二卷三

釋論卷三四五六卷四釋論卷七八九十先詳後略此基公

撰述之通病也夫玄奘大師所為唯識法相摩創之祖而基

公乃守大述作之宗百部疏鈔之內對法唯識兩疏祖張斯

學為功尤偉對法鈔今不傳則唯識述記樞要別鈔如是三

者其法相之宗原歟卷三中云疏指如樞要者如十卷中解

是原本依論為十卷今金陵刻經處本釐為八卷間或更易

其次第如卷二初先釋疏中欲貪名取句後釋起自心相句
正與述記之文相合而金陵本強以釋起自心相句移在釋
欲貪名取句之前如是顛倒凌亂凡有四十餘則強不知以
為知妄逞心臆而賊夫人之智害莫甚焉

續修四庫全書總目

卷部

成唯識論別抄四卷

唐釋

唐釋窺基撰基所撰述存於

今者說無垢稱經疏等經論疏記二十七部二百八十一卷

今均著錄基公於承命秣譯成唯識論之際纂集所聞成爲

述記廣申義理述爲樞要問答諸益記爲別抄諸家目錄或

云五卷或云三卷今續藏經本題云卷一卷五卷九卷十是

原作十卷而佚其六爲文將三百條前二十餘條一德解釋

文多翔實其下全是問答整約相間既是師資論議之言所

以往往往因文勢便利旁生枝末微難決擇未可泥於述記次

第先後今金陵刻經處本以此四卷重釐足爲六卷使人不

續修四庫全書

卷部

復知原文之殘佚更以抄卷一當論卷一以抄卷五九十當

論卷八九十然則抄卷二三四應當論卷二至七無乃太略

而抄卷六七八又應何所釋耶矧况剝裂原文前後倒置以

期強合於述記尤爲謬妄如卷一中釋變礙爲色義已因問

薩婆多宗五根極微安布相然後方論二種色及有對義金

陵本強以問薩婆多宗五根極微安布相文置於有對義後

又如問大乘造色具幾因問別解脫無表何大所造問大乘

極微有方分不問大乘立幾因果問論一刹那聲無詮表故

依何有法問答別釋無表諸義金陵本強移問別解脫無表

在別釋無表後又移大乘立幾因果在抄卷一末而以釋薩
婆多憶本所作中觀波論師頌文置於問大乘造色大乘極
微之間如是等類難以枚舉斷竇雙以散花碎彩錦而結縷
其勞甚勤其識亦太愚矣膠柱而鼓瑟刻舟以求劍吳足以
言道耶

續修四庫全書

卷部